

V E N D I M

Nr.130, date 18.3.1999

PER INSPEKTORATIN SHTETËROR të KONTROLLIT të NAFTES, GAZIT DHE NENPRODUKTEVE të TYRE

Ne mbeshtetje të nenit 100 të Kushtetutës së Republikës të Shqipërisë, si dhe të nenit 23 të ligjit nr.8450, date 24.2.1999 "Për përpunimin, transportimin dhe tregtimin e naftes, gazit dhe nenprodukteve të tyre", me propozimin e Ministrisë Ekonomisë Publike dhe Privatizimit", Këshilli i Ministrave

V E N D O S I :

1. Të krijohet Inspektorati Shtetëror i Kontrollit të Naftes, Gazit dhe Nenprodukteve të tyre, si organ shtetëror i specializuar për kontrollin e veprimtarisë së personave juridike në përputhje me dispozitat e ligjit nr.8450, date 24.2.1999 "Për përpunimin, transportimin dhe tregtimin e naftes, gazit dhe nenprodukteve të tyre", si dhe me aktet nënligjore të dala në zbatim të tij.

2. Inspektorati Shtetëror i Kontrollit të Naftes, Gazit dhe Nenprodukteve të tyre është në vartësi të Ministrit që mbulon veprimtarinë hidrokarbure.

3. Perberja dhe funksionimi:

a) Inspektorati drejtohet nga Kryeinspektori i cili emërohet nga Ministri. Në përberje të Inspektoratit janë inspektorët dhe punonjësit e Laboratorit Qendror të Kontrollit.

Inspektorati është shtetëror jobuxhetor. Ai ka qendren e vet në Tiranë. Inspektorati ka inspektorët pranë qarqeve, sipas organizimit të qeverisjes vendore. Struktura dhe numri i punonjësve në organike të Inspektoratit përcaktohet nga Ministri.

c) Inspektorati ushtron veprimtarinë e kontrollit për zbatimin e kushteve të parashikuara në lejet apo autorizimet perkatese, që u janë dhënë personave juridike, në instalimet, impiantet dhe pajisjet e përdorura, në mënyrë që ato të respektojnë normat teknike të masave mbrojtëse ndaj zjarrit, treguesit cilësorë, standardet shtetërore dhe dispozitat ligjore e nënligjore, për të parandaluar abuzimet dhe falsifikimet që mund të kryhen nga personat juridike.

ç) Në përberje të Inspektoratit është Laboratori Qendror i Karburanteve, i cili funksionon në baze të rregullores së miratuar nga Ministri, si dhe administrimi i depove portuale të naftes e nenprodukteve të tyre.

d) Kryeinspektori varet e raporton për veprimtarinë e Inspektoratit para Ministrit. Për efekt page ai barazohet me Drejtorin e Drejtorisë Përgjithshme, ndërsa inspektorët dhe përgjegjësi i Laboratorit me atë të shefit të sektorit në Ministri. Punonjësit e tjerë klasifikohen si specialistët dhe punonjësit analogë në Ministri.

dh) Vetëm kur merret në konsideratë varianti i dytë i pikes "b" inspektori i mbulon shpenzimet e veta me të ardhurat që sigurohen dhe depozitimet e karburanteve e të lendeve djegëse në depot portuale, nga kryerja e analizave periodike e të detyrueshme për cilësinë, si dhe nga çdo shërbim tjetër ndaj personave të tretë në baze të dispozitave

ligjore. Bilanci i te ardhurave e i shpenzimeve te Inspektoratit miratohet nga Ministri. Tepricat e rezultuara ne fundin e çdo viti kalojne ne buxhetin e shtetit.

4. Detyrat e Inspektoratit Shteteror te Kontrollit te Naftes, Gazit e Nenprodukteve te tyre jane:

a) Te kontrolloje zbatimin e dispozitave te ligjit nr.8450, date 24.2.1999 "Per perpunimin, transportimin dhe tregtimin e naftes, gazit dhe nenprodukteve te tyre" nga te gjitha subjektet shteterore apo private dhe te marre masat perkatese per çdo shkelje te vene re.

b) Te kontrolloje zbatimin e dispozitave te akteve nenligjore per kushtet teknike dhe kriteret qe duhet te zbatojne subjektet qe veprojne ne fushen e perpunimit, transportimit apo tregtimit te naftes, gazit e nenprodukteve te tyre.

c) Te kontrolloje treguesit sasiore, cilesore dhe marken per naften, gazin e nenproduktet e tyre qe tregtohen apo qe jane gjendje ne depot e subjekteve qe tregtojne me shumice apo pakice dhe te marre masat perkatese per respektimin e dispozitave ligjore.

5. Te drejten e ushtrimit te kontrollit e kane te gjithe inspektoret e Inspektoratit te cilet pajisen me dokument identifikimi nga Kryeinspektori. Ata kane te drejten e marrjes se mostrave nga çdo lloj lengu apo cilado depozite e veçante e subjekteve qe ushtrojne veprimtarine ne baze te ligjit nr.8450, date 24.2.1999. Marrja e mostrave behet pa pagese.

Punonjesit e Laboratorit Qendror te Kontrollit, te pajisur me dokument identifikimi nga Kryeinspektori kane te drejte te ushtrojne kontroll vetem per sa i perket cilesise se karburanteve apo lendeve djegese qe tregtohen apo jane gjendje, si dhe te marrin pa pagese mostrat perkatese ne te gjitha vendet e depozitimit, transportimit apo tregtimit te subjekteve te pajisur me leje koncesioni, leje tregtimi apo autorizime.

6. Kontrolli per cilesine, menyra e marrjes se mostres dhe sasia e saj, pagesa per te, si dhe dokumentacioni perkates percaktohen me urdher te Ministrit.

7. Kontrolli per respektimin e kushteve teknike dhe per cilesine apo marken e naftes, gazit e nenprodukteve te tyre kryhet ne te gjitha objektet te cilat jane prone e subjekteve te pajisura me leje koncesioni, leje tregtimi ose autorizime, si dhe ne te gjitha objektet qe jane marre prej tyre me qira, ne perdorim apo ne çfaredo lloj forme tjeter per perpunimin, depozitimin, transportimin e tregtimin e naftes, gazit e nenprodukteve te tyre.

8. Kontrolli kryhet brenda orarit te veprimtarise se subjekteve ose te orarit te veprimtarise ne objektin perkates. Kontrolli ne objekte, depozita, impiante, stacione te shitjes apo njesi te lendeve djegese, mund te kryhet dhe jashte orarit te punes, vetem me urdher me shkrim te Kryeinspektorit, por gjithmone ne prani te nje perfaqesuesi te shoqerise apo te personit fizik, i cili zoteron ose perdor objektin perkates.

9. Perveç gjebes se percaktuar ne ligjin nr.8450 date 24.2.1999 "Per perpunimin, transportimin e tregtimin e naftes, gazit e nenprodukteve te tyre" inspektoret kane te drejte, kur verejne shkelje te kushteve teknike apo rregullave te tjera te percaktuara ne urdherin e Ministrit, t'i kerkojne organit perkates heqjen e tyre.

10. Rezultatet e kontrollit pasqyrohen ne procesverbal, i cili firmoset nga inspektori qe ushtron kontrollin dhe nga perfaqesuesi i subjektit. Kur ky i fundit ka verejtje, i shenon ato ne procesverbal. Ne rastin kur perfaqesuesi i subjektit refuzon te marre pjese ne procesin e kontrollit apo refuzon te firmose sipas kushteve te pershkruara me siper, atehere inspektori vendos shenimin "refuzon firmen", duke e bere keshtu procesverbalin te vlefshem. Ne rastet e kerkeses per heqjen e lejes apo te autorizimit, nje kopje e procesverbalit i dergohet organit qe i ka leshuar ato.

11. Kunder masave te marra nga inspektoret ne baze te dispozitave te ligjit nr.8450, date 24.2.1999 "Per perpunimin, transportimin e tregtimin e naftes, gazit e nenprodukteve te tyre", mund te behet ankim me shkrim te Kryeinspektori, brenda 10 diteve nga data e mbajtjes se procesverbalit. Vendimi i ketij te fundit duhet te jepet brenda nje afati 10 ditore nga data e mberritjes se ankeses ne Inspektorat.

12. Ngarkohet Ministria e Ekonomise Publike dhe Privatizimit per zbatimin e ketij vendimin.

Ky vendim hyn ne fuqi 15 dite pas botimit ne Fletoren Zyrtare.

KRYEMINISTRI

Pandeli Majko